

دولایسیه جماعتک ضرر لرینی موجب اوله جق معامله لری قبول ایتمز؛ ایشته بوتک ایچوندرکه حضرت الله، امت اسلامیه تک «کتیم خیر امة اخرجت للناس تأمرون بالمعروف وتنهون عن المنکر وتؤمنون بالله ولو آمن اهل الكتاب لکان خیراً لهم» آیت کریمه سیله الله ایمان ایدوب، امر بالمعروف ونهی عن المنکر ایله اوصاف ایتدکلرندن دولایی. امترک اک خیر لیبسی اولدقلرینی خبر ویریور. ایشته بوتک ایچون علیه الصلاة والسلام اقدمز «لا تجتمع امتی علی الضلالة» [۱] و «یدالله مع الجماعة» [۲] بویور یورلر. عمومی وجدانک قبول ایتدیکی شی دائماً معروفدر، دائماً حسندر؛ بناءً علیه دائماً حکمته ومصلحته موافقدر. ایشته بوتک ایچوندرکه منکرات دن صاقوب عرفی کندیلری ایچون زهر اتمخا ایدن ارباب تقوا، جماعتک وجداتی تمیل ایدن عرفا، معامله لرنده، حیات ومعیشتلرنده هیچ بروقت طریق ضلاله صابمازلر؛ چونکه بوتلر حضرت قرآنک «ولتکن منکم امة یدعون الی الخیر ویأمرون بالمعروف وينهون عن المنکر واولئک هم المفلحون» آیت کریمه سنده کی «امة» دولرکه کک کندیلری کک بوتلرک یوللرندن کیدنلر قطعاً فلاح بولورلر. افرادک، اجتماعی هیئتلرک متضرر اولدقلری واوله بیله جکلری بوتون تشبثلر ومعامله لر هب فردلره عاندر. افرادک عرفی زهر ایتمکسزین، عارف لری دیکله مکسزک صرف خودکاملق ایله یایدقلری بوتون فعللر افراد جماعت ایچون کوچوک وبویوک ضررلر تولید ایدمیلیر. ذاتاً اجتماعی، حیاتی اوینونسزلقلرک هپسی ده بوقیلدندر. منکرات افراد واشخاصک فعللریدر...

ملیم ثابت

جوازک احکام شرعیه دن اولدیغنه دأر

— مقاله سی مناسبته —

جواز، تعیر دیکرله مباح، (شرعه نه فعل ونه ترکی طلب اولنیان شی) دن عبارت اولدیغندن شرعک مباح اولان شیلره تصدی ایتمه مش اولدیغی اکلشلمقدمدر. شرعک برشیبی اباحه سی، آنی ورود سمعدن اولکی حالی اوزره ترک وتقریری

یعنی نه تحریم ونه دهه وجودی افاده ایتمه منی در که بونده نفی اصلی باقی اولقله حکمدن استغنا وارد . شرع بوکبی شیلرده بیطرفلق اعلان ایتمدر .

اگر نامتاهی اولان امور مباحه بی احکام شرعیه دائرمنه آلق ایسترنه ک اباحه بی افاده ایدن مختلف اشکالیله دائماً تصوصک توارد ایتمی ایجاب ایدر . یوقسه حیاتک اک حر حرکتی ، انسیافات طبعیه بی بیله سمعه ربط ایتک احتیاجیله شرعک قبول ایتیه جکی حیلهره کیتمک ، مثبت اولیان قیاسلر ایله شرعی عادتا اویونجاق یایمق ضرورتی قارشوسنده قالیرز . بویله یایمیه جق اولورسه ق خشین بر محافظه کارلق کوستروب حقتده سمع ورود ایتمه مش اولان جائزانه شرعی مانع اوله رق ایلر و سورمکدن بشقه چاره من قالملاز که دائماً تکملات بشریه بی تأمین ایچون کوندولمش اولان شریعت احمدیه بوایکی بادرمنک ایراث ایدیه جکی عیب و نقصاندن کوکلر قدر یوکک و مترهدر .

جائزاتی احکام شرعیه دائرمنه کورمک سوء تلقینی سائقه سیله کچنلر ده مع التأسف بخارادن (تاریخ و جغرافیا) تدوینک جوازی مقام خلافتدن استغنا اولئیور ایدی . بوکون اک بیسط احوال دن اولان جوامع شریفه تک (الکتریق) ایله تنویری مسئله سنک ده هنوز بعض کیمسه لر طرفندن هضم اولته مامسی هب بوسوه تلقینک نتایجندندر .

شرعک کندینسه هیچ بر صورتله تعرض ایتدیکی مباح فعللر ده اصلک استمرارندن طولایی طوغریدن طوغری به هیچ بر حکم شرعی یوقدر دینیلیر .

(ایسترسه کز یاپک ، ایسترسه کز یایمیک) صورتیله شرعک بزی تخیر ایتدیکی امور مباحه ده ایسه اصل تقرر ایدلمش دیمکدر که تقرر برایشی اولدینیی کبی بر اقوب تغیر ایتامک یعنی تجدید حکم دیمک اولمادیغندن اورته ده شرعاً احداث اولمش بر حکم یوقدر . بناء علیه بو قیلدن اولان خطابات ایله ده بر حکم شرعی ثابت اولماز .

(فعل و ترکنده مجازاة اولیان مباح فعللری اجرا ده مکلف مخیردر) دلیل سمعیله افعال نامتاهیة انسانیه تک اباحه سی حکم شرعی تحت آلمش و بناء علیه مباح فعللر احکام شرعیه دائرمنه کیرمش دینله جک اولورسه بو حکمک تقرر

ماہیتدن بشقہ بر ماہیت مالک اولدینی و تقریر ایله تجدید حکم ایله یله میجکی مستقی بیاندر .

بوامور مباحه نك شرعدن اولدینغه عکساً بر نظیر اولق اوزرده . الله تعالی یه وجوب ایمان حقتده کی خطابك صدر الشریعه نك تصریح ایتمدیکی کبی غیر شرعی یعنی شرعه متوقف اولدینی واحکام شرعیه دن بولمندینی ایراد اوله ییلیر . چونکه وجوب ایمان امور مباحده اولدینی کبی شرعك ورودندن اولده ثابتدر .

(مباح) فعل و ترکده مجازات اولماسی دیمك اولدینندن بر ماہیت منقیه بی حائرده . نفی ونافی ایچون دلیله لزوم یوقدرکه مباح بر حکم شرعی ایله تنصیص وتوثیق ایلمکه محتاج اولسون .

نافی اقامه دلیله مجبور دکادر . کندینه بروظیفه توجه ایتمز . هر نه قدر نافیه دلیلك سقوطی (الینه للمدعی ...) حکم شرعینه مستد اولوب دلیل عقلی یه ابنا ایتمدیکی ایلرو سوریلش ایسه ده شرعك دخی اسکی عرب امثال حقوقه سندن اولان بو (الینه للمدعی ...) قوانی تقریر ایدیشی نفیه اقامه دلیلك دائره امکانه اولماسی ضرورت عقلیه نه میندر .

نافینك اقامه دلیله محتاج اولدینی ذمته برائتك اصل اولسیله ده ثابتدر . چونکه بوقاعده کلیه فقیه نفیه دلیل اقامه سی متعذر اولدینندن نفی اصلینك استصحابندن تولد ایتمشدر . ذمته کی برائتك خلافتی ادعا ایده بینه تکلیف اولتور . یوقه اصل اولان برائت صاحبه اقامه دلیل وظیفه سی توجه ایلمز . . .
نته کیم امام غزالی (التحول) وسائرہ کی خلافتیه دائر اثر لرندہ بوبختی دور وداز بروجه معروض تفصیل وایضاح ایلمشدر .

قرآن کریمك (کلوا واشربوا) وسائرہ کی اباحه بی افاده ایدن امر لری وارسه ده مثلاً بواکل وشریده کی اباحه بی نصك اثری دییه تلقی ایتمك اکل وشریده بر ضرورت حیاتیه تصور ایتممکه ممکن اوله ییلیر . حالبوکه انسان امر ورود ایتمسه ده ، ایتمسه ده بر وایچر دلیل عقلینك جریانی دلیل سمعینك انتفانه متوقفدر . مادامکه اکل وشریب حقتده دلیل سمعی وارددر . او حالده یوبابده دلیل عقلی جریان ایده مز کی برسوز سویلك عرشی ادرالکخاصه نه مالک اولان انسانه کندینك ییوب ایچجی اولدینغی دوشونمك حقنی ویرمامك دیمکدر .

ضرورات و انسیاقات طبعیہ حقندہ کی امر لودہ کی فائدہ اگر بو آیت کریمہ
کی مقید ایہ قیدہ راجعدر . مقید اولیوب صورت مطلقہ و وارد اولش ایہ
تقریر ماہیتدہ در کہ تقریرك دخی بر حکم افادہ اجمہ دیکی یوقارودہ عرض اولنش
ایدی .

امور مباحہنك احکام شرعیہ جملہ سندن اولدینی اکلایدقندہ مکرمہ بردقمہ
لزومنز افتا و استفتالره احتیاج قالدینی کی منکر حالی آلمش و کسب قساد
ایتمش اولان جائزاندہ عرف زمانہ کورہ اولوالامر صلاحیت واسعہ یہ مالک
اولش و شریعت (قیل و قال) دن قورتیلوب حیات یوللری کینشلش اولور .
عرفك جائزات شرعیہ دن اولوالامرہ مردلرلو استفادہ حقنی و یرمسی ینہ
مساعده شرعیہ ایہ کتدینك اك کوچوک بر صلاحیتی استعمال ایتمیدر .
(نجم الدین طوفی) وسائرہ کی بعض فقہا تصوصك بیله عرفہ مستد اولدینی
یرلزدہ عرفك حاکمیتی قبول ایتمکدہ درلر . . . اکابر فقہا پک کوزل اساسلر
وضع ایتمش ایسده شریعت اسلامیہ مع التأسف بر طاقم (متفقہ) النده الفاظ
دائرہستہ آلمش اولدیغندن بو کی مباحك یازلسنه لزوم قطعی حس اولنمقدہ در .
والله يقول الحق وهو يهدي السبيل .

بایزید در ساملرندن

شرف الدین

سلام

خاتم الانبیا حقندہ آیات توراتیہ

بو بابده کی آیتلرک دوغرو تفسیر و ایضاحی

الله تعالی ایکی اولوالعزم رسول کوتدره جگنی ملا کی نام کتاب توراتیہ
اخبار ایدیور . رسولك بری (عیسی) و دیگر کی (محمد) صلی الله علیہما السلامدر :

اورنی صلوات من لانی و فزنا درہ لانی و فتانم